

Broj: 714-030-02/24
Sarajevo, 03.12.2024. godine

Na osnovu člana 69. stav 2) tačka d) i člana 70. Zakona o javnim nabavkama („Službeni glasnik BiH“, br: 39/14, 59/22 i 50/24), člana 43. Statuta Javne ustanove „Centar za napredne tehnologije u Sarajevu“, te prijedloga Komisije sadržanog u Zapisniku o pregledu i ocjeni ponuda br. 714-060-06/24 od 18.11.2024.godine, u postupku nabavke usluga–usluge izrade softvera uz integraciju neophodnih komponenti, direktor donosi

ODLUKU
o poništenju postupka javne nabavke – usluge izrade softvera
uz integraciju neophodnih komponenti

I

Poništava se postupak javne nabavke usluga - usluge izrade softvera uz integraciju neophodnih komponenti, putem *otvorenog postupka*, evidencijski broj nabavke 714-060-03/24, pokrenut Odlukom o pokretanju br. 714-030/24 od 04.10.2024.godine, obavještenje o nabavci br. 22651-1-2-119-3-40/24 objavljeno dana 08.10.2024.godine.

II

Postupak iz tačke I ove Odluke se poništava iz razloga propisanih članom 69. stav 2) tačka d) Zakona o javnim nabavkama, odnosno iz razloga što niti jedna primljena ponuda nije ocjenjena kao prihvatljiva.

III

Ova odluka objavit će se na web-stranici www.cnt.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 2. i 6. Zakona o javnim nabavkama BiH.

IV

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom direktora o pokretanju postupka javne nabavke broj: 714-030/24 od 04.10.2024.godine. Javna nabavka je provedena putem otvorenog postupka sa predviđenom e-aukcijom i kriterijumom- najniža cijena. Ukupna procijenjena vrijednost javne nabavke bez PDV-a je iznosila 235.000,00 KM bez PDV-a.

Tenderska dokumentacija je objavljena na portalu javnih nabavki zajedno sa obavještenjem o nabavci broj: 22651-1-2-119-3-40/24 objavljeno dana 08.10.2024.godine.

Komisija za javne nabavke imenovana je Odlukom broj: 714-030-01/24 od 04.10.2024.godine. Komisija za javne nabavke dostavila je 18.11.2024. godine Zapisnik o pregledu i ocjeni ponuda sa prijedlogom za poništenje postupka javne nabavke, broj: 714-060-06/24, u postupku javne nabavke usluga - usluge izrade softvera uz integraciju neophodnih komponenti.

Komisija za javne nabavke blagovremeno je izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno:

- da su blagovremeno zaprimljene- 2 ponude;
- da je ukupan broj pristiglih ponuda – 2;
- da nije bilo neblagovremenih ponuda.

Komisija je ocijenila da ponude ponuđača INFINITY MESH D.O.O., ul. Zmaja od Bosne BB – TC Robot 7A, Sarajevo, BiH i SUMMC D.O.O. MOSTAR (predstavnik skupine ponuditelja) M.P. Sveučilište u Mostaru (član skupine ponuditelja) Sveučilište u Mostaru (član skupine ponuditelja), Trg hrvatskih velikana 1, Mostar, BiH nisu prihvatljive, te je stoga odbacila iste kao iz razloga propisanih članom 68. stav 1. i stav 4. tačka i) Zakona o javnim nabavkama BiH, a u vezi sa članom 2. tačka l) Zakona.

Zapisnikom o pregledu i ocjeni ponuda sa prijedlogom/preporukom Komisije br. 714-060-06/24 od 18.11.2024.godine utvrđeno je sljedeće:

- INFINITY MESH D.O.O. SARAJEVO, ul. Zmaja od Bosne BB – TC Robot 7A, Sarajevo, BiH, ponuda br. 839/24 od 01.11.2024.godine -nije potpisan i ovjeren nacrt okvirnog sporazuma, kako traženo tenderskom dokumentacijom, potvrda dostavljena uz spisak ugovora nije u skladu sa članom 48. stav 3. Zakona o javnim nabavkama BiH i tenderskom dokumentacijom jer ne sadrži sve propisane elemente (mjesto izvršenja ugovora), izjava iz člana 50 ZJN (Prilog 5) ne sadrži sve tražene podatke – ne sadrži navode o angažiranim licima -popis lica uz napomenu da će ih ponuđač u slučaju dodjele ugovora/ pojedinačnog ugovora u punoj mjeri angažovati na realizaciji ugovorenih obaveza/ usluga.
- SUMMC D.O.O. MOSTAR (predstavnik skupine ponuditelja) M.P. Sveučilište u Mostaru (član skupine ponuditelja) Sveučilište u Mostaru (član skupine ponuditelja), Trg hrvatskih velikana 1, Mostar, BiH, ponuda br. 844/24 od 01.11.2024.godine - potvrda dostavljena uz spisak ugovora nije u skladu sa članom 48. stav 3. Zakona o javnim nabavkama BiH i tenderskom dokumentacijom jer ne sadrži sve propisane elemente (mjesto izvršenja ugovora), izjava iz člana 50 ZJN (Prilog 5) ne sadrži sve tražene podatke -nisu navedeni spisak izvršenih ugovora i potvrde, kao ni navode o angažiranim licima uz napomenu da će ponuđač, navedena lica, u slučaju dodjele ugovora/ pojedinačnog ugovora u punoj mjeri angažovati na realizaciji ugovorenih obaveza/ usluga. Iz dostavljenog USB -a (dokazi – uslov 4. Tehničke i profesionalne sposobnosti) nije moguće utvrditi ispunjavanje uslova 4. tačka a) i c). Nije prikazano upravljanje letjelicom putem flight kontrolera, uključujući polijetanje, slijetanja i osnovne manevre – tačka a). Parametri prikazani na demo snimku ne pokazuju u stvarnom vremenu promjene koje letjelica vrši (promjenu brzine, visine i smjera leta i praćenje performansi u stvarnom vremenu) – tačka c). Ponuda ne sadrži navode o predmetu, količini, vrijednosti i postotku ugovora o javnoj nabavci koji će izvršavati pojedini član grupe ponuđača, traženo u skladu sa stavkom 5.3. TD. Ugovor o konzorciju sadrži samo podatke o finansijskoj raspodjeli (čl. 10) i obavezi sklapanja Dodatka ugovora u kojem će se odrediti raspored aktivnosti i obaveze (čl. 9).

Komisija za javne nabavke je u Zapisniku o pregledu i ocjeni ponuda predložila ugovornom organu da odbaci ponude ponuđača INFINITY MESH D.O.O. SARAJEVO, ul. Zmaja od Bosne BB – TC Robot 7A, Sarajevo, BiH (ponuda br. 839/24 od 01.11.2024.godine) i ponuđača SUMMC D.O.O. MOSTAR (predstavnik skupine ponuditelja) M.P. Sveučilište u Mostaru (član skupine ponuditelja), ponuda br. 844/24 od 01.11.2024.godine, u skladu sa članom 68. stav 1. i stav 4. tačka i) Zakona o javnim nabavkama BiH, a u vezi sa članom 2. tačka l) Zakona, te donese odluku o poništenju postupka javne nabavke u skladu sa članom 70., a na osnovu člana 69. stav 2. tačka d) Zakona o javnim nabavkama BiH.

Cijeneci prethodno navedeno, direktor je odlučio kao u dispozitivu ove Odluke.

POUKA O PRAVNOM LIJEKU: Protiv ove Odluke može se izjaviti žalba u roku od 10 (deset) dana od dana prijema iste. Žalba se izjavljuje Uredu za razmatranje žalbi Bosne i Hercegovine, putem ugovornog organa Javne ustanove „Centar za napredne tehnologije u Sarajevu“ u pisanoj formi neposredno ili preporučenom poštanskom pošiljkom na adresu Vilsonovo šetalište br. 9, Sarajevo, BiH, sve u skladu sa članom 99. i članom 101. Zakona o javnim nabavkama BiH. Žalba se podnosi u najmanje 3 (tri) primjerka i sadrži elemente propisane članom 105. Zakona o javnim nabavkama BiH.

Direktor

Mr. dipl. ing. Ensar Mulaosmanović

Dostaviti:

- Ponuđačima koji su učestvovali u postupku;
- Stručni savjetnik za finansijsko - ekonomske poslove i računovodstvo;
- Stručni savjetnik za javne nabavke;
- a/a

